



26 Disember 2017
26 December 2017
P.U. (A) 408

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH DUTI SETEM (PENGEQUALIAN) (NO. 2) 2017

STAMP DUTY (EXEMPTION) (NO. 2) ORDER 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA SETEM 1949

PERINTAH DUTI SETEM (PENGECUALIAN) (NO. 2) 2017

PADA menjalankan kuasa yang diberikan oleh subseksyen 80(1) Akta Setem 1949 [*Akta 378*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Duti Setem (Pengecualian) (No. 2) 2017**.

(2) Perintah ini mula berkuat kuasa pada 1 Januari 2018.

Pengecualian

2. (1) Nota kontrak yang disempurnakan bagi transaksi penjualan dan pembelian waran berstruktur atau dana dagangan bursa yang diluluskan oleh Suruhanjaya Sekuriti Malaysia di bawah Akta Pasaran Modal dan Perkhidmatan 2007 [*Akta 671*] di Bursa Malaysia Securities Berhad dikecualikan daripada duti setem.

(2) Pengecualian yang disebut dalam subperenggan (1) hendaklah terpakai bagi nota kontrak yang disempurnakan pada atau selepas 1 Januari 2018 tetapi tidak lewat daripada 31 Disember 2020.

(3) Bagi maksud perenggan ini—

“dana dagangan bursa” mempunyai erti yang diberikan kepadanya dalam garis panduan yang berhubungan dengan dana dagangan bursa yang dikeluarkan oleh Suruhanjaya Sekuriti Malaysia di bawah Akta Pasaran Modal dan Perkhidmatan 2007;

“waran berstruktur” mempunyai erti yang diberikan kepadanya dalam garis panduan yang berhubungan dengan waran berstruktur yang dikeluarkan oleh Suruhanjaya Sekuriti Malaysia di bawah Akta Pasaran Modal dan Perkhidmatan 2007.